



JP "Komunalno Brčko" d.o.o.
Brčko distrikt BiH

ЈП "Комунално Брчко" д.о.о.
Брчко дистрикт БиХ

OKOLINSKA POLITIKA

Okolinska politika je od 2011. godine sastavni dio poslovne politike JP „Komunalno Brčko“ i zasnovana je na opredjeljenosti preduzeća za ispunjavanje zakonskih zahtjeva, zahtjeva standarda ISO 14001, te zahtjeva svih zainteresiranih strana koji se odnose na zaštitu okoliša.

Zbog visokog stepena odgovornosti prema društvenoj zajednici i ispoljavanju brige za zaštitu okoliša, preduzeće je identificiralo sve aspekte koji potencijalno mogu da imaju utjecaj na okoliš, procjenilo rizike, izradilo planove tretmana rizika, a sve u cilju minimiziranja navedenih utjecaja i pojave incidenata.

U cilju održavanja uspostavljenog sistema upravljanja zaštitom okoliša, posvećeni smo:

- ☞ Poštovanju zakonskih propisa u oblasti zaštite okoliša i obnovljivih izvora energije;
- ☞ Redovnoj kontroli i mjerenju identificiranih okolinskih aspekata, konstantnom preispitivanju procjenjenih rizika i potencijalnih vanrednih situacija, a time i eventualnoj sanaciji nastalih šteta;
- ☞ Poduzimanju neophodnih mjera za kontrolu mogućih okolinskih incidenata i nesreća, te, koliko je moguće, ublažavanju, odnosno sprečavanju njima uzrokovanog zagađenja okoliša;
- ☞ Praćenju propisa i dobre prakse u korištenju obnovljivih izvora energije;
- ☞ Upravljanju otpadom u skladu sa usvojenim procedurama;
- ☞ Uključivanju zahtjeva koji se odnose na zaštitu okoliša u razvojne planove i projekte;
- ☞ Kod nabavke proizvoda i usluga, rukovodimo se njihovim utjecajem na okoliš;
- ☞ U cilju prevencije zagađenja, posvećeni smo kontinuiranom smanjenju i eliminiranju emisija štetnih materija u okoliš, štednju resursa i energije, smanjenju upotrebe štetnih materija i količine otpada;
- ☞ Edukaciji uposlenih o temama u vezi sa zaštitom okoliša;
- ☞ Povezivanju s lokalnom zajednicom i učestvovanju u aktivnostima o temama koje se odnose na zaštitu okoliša.

Svi uposleni su dužni da se pridržavaju usvojene Okolinske politike u skladu sa utvrđenim odgovornostima i ovlaštenjima, koristeći sva svoja znanja i iskustvo.

JP „Komunalno Brčko“ se obavezuje da osigura sve potrebne resurse da bi Okolinska politika bila primjenjiva i da bi se ostvarili postavljeni okolinski ciljevi.

Izdanje: 5

Brčko, 24.7.2023. godine



Direktor:

Kemal Atić, dipl. oec

